



Von der Freyheit eins Christe[n] Menschen:

<https://hdl.handle.net/1874/425367>

lee

Von der freyheit
 eines Christē men
 schen: Von Mar
 tino Luther
 selbs düttsch
 gemacht.

Zu Wittenberg
 Im. XXI. iar.

Dem fürsichtigen vñ weisen

herren Hieronymo Mulpheit Statuogt zu Zwickaw
meinem besondern günstigen freünd vnd patron/
Entbier ich genant S. Martinus Luther
Augu. mein willigē dienst
vnd alles güts.



Fruchtiger weiser

herr vnd günstiger freünd/der wyrdig
magister Johan Egran eüwer loblich
en stat prediger/hat mir hoch gebreiset
eüwer lieb vnd lust/so ir zu der heiligen schrifft traaget/
welch ir auch emsiglich bekenen/vnd für den mēschen
zu preisen nit nachlasset. Derhalbē er begert mich mit
euch bekant zu machen/bin ich gar leichtlich willig vñ
frölich des beredt/dan es mir ein sondere freünd ist zu hō
ren/wo die göttlich warheit geliebt wirt/der leyder so
vil/vnd die am meysten die sich ires tittels vff werffen/
mit aller gewalt vnd list widerstreben/wie wol es also
sein müß/das an Christum zu einem ergerniß vñ zeichē
gesetzt/dem widersprochē werden müß/vil sich stossen/
fallen/vnd vffersteen müssen. Darumb hab ich anzübe
ben vnser küntschaft vñ freundschaft dis tractats vñ
Sermon euch wöllen zuschreiben im deütschē/welchs
ich latinisch dem Babst hab zügeschribē/damit für yes
derman meiner lere vnd schreiben von dem babstumb/
nit ein verweisslich/als ich hoff/vrsach angezeigt. Bes
fillh mich hie mit euch/vnd allesampt götlichen gnadē
Amen. Zu Wittenberg/Anno. M. D. xx.

Jesus

¶ Von zweyen beschlüssen der ganzen sache.



W dem ersten/das

wir gruntlich mügen erkennen/was ein Christen mensch sey/vnd wie es gethan sey vmb die freyheit/die im Christus erworben vnd geben hat/davō sant Paulus vil schreibt/wil

ich setzen dise zwen beschluß.

Ein christen mensch ist ein freyer herr über alle ding/vnd niemand vnderthan.

Ein christen mēsch ist ein dienstbar knecht aller ding vnd yederman vnderthan.

Dise zwen beschluß sein klerlich sant Pauls. j. Cor. xij. Ich bin frey in allen dingen/vnd hab mich einß yeders man knecht gemacht. Item Ro. xij. Ir sollēt niemand etwas verpflichtet sein/dēñ das ir euch vnder einander liebent. Lieb aber die ist dienstbar/vnd vnderthan dem das sy lieb hat. Also auch von Christo Gal. iij. Got hat seinen sun außgesandt von einem weib geboren/vnd dē gesatz vnderthan gemacht.

¶ Zweyerley natur im mēschen.

Um andern/dise zwo widerstendige red der freyheit vnd dienstbarkeit zu vernemen/sollen wir gedēcken/das ein yeglich christen mēsch ist zweyerley natur/geistlicher vñ leiblicher. Nach der selē wirt er ein geistlich/nētur/innerlich mensch genēnt/nach dē fleisch vñ blūt wirt er ein leiblich alt vñ eusserlich mēsch genennet. Vnd vmb dieses vnderscheids willen/werden wō im gesagt in der schrifft/die do stracks wider einander sein/wie ich yetz gesagt vō der freyheit vñ dienstbarkeit etc

W on der Freyheit eins

¶ Von einem frummen vnd freyen
christen mēschen

Zum dritten/so nemen wir für vns den inwendigen geistlichen mēschen/zūsehen was darzu gehöre/das ein frum/frey christen mensch sey vnd heisse. So ist offenbar das kein eusserlich ding mag in frey noch frum machen/wie es mag yem er genent werden/dan sein frumkeit vnd freyheit widerumb sein böshheit vnd gefencknis/sein nicht leiblich noch eusserlich. Was hilfft die selen/das der leib vngesangen/frisch/vnd gesunt ist/isset/trincket/lebt wie er wil. Widerumb was schadt das der selen/das der leib gefangē/franck vnd mar ist/hungert dürstet vnd leidet/wie er nit gern wolte. Diser ding reicht keins bis an die selen/sy zū befreihen oder fahen/frum oder böß zū machen.

¶ Werck vnd weisen machen nit frum.

Zum iij. Also hilfft es die seel nichts/ob der leib heilige kleider anlegt/wie die priester vnd geistlichen thun/auch nit ob er in den kirchē vnd heiligen stetten sey. Auch nicht ob er mit heiligen dingen vmbgeet. Auch nit ob er leiblich bett/faste/wall vnd alle gute werck thut/die durch vnd in dem leyb geschehen möcht ewiglich. Es muß noch alles etwas anders sein das der selē bring vnd geb frumkeit vnd freyheit. Dan alle dise obgenanten stuet/werck/vn weisen mag auch an sich haben vnd siben ein böser mensch/ein gleyßner vn schmeichler. Auch durch solch wesen kein ander volk dan eytel gleyßner werden. Widerumb schadt es der selen nichts/ob der leib vnheilige kleider treget/an vnheiligen orten ist/isset/trincket/wallet/betet nicht/vnd laßt all die werck ansteen/die die obgenantē gleyßner thun.

Chriſten mēſchen Mar. I.

Der ſeel behülff iſt das wort gots.

Die fünfftē/hat die ſeel kein ander ding wedet
in hymel noch vfferden/darin ſy leb/frum/frey
vnd chriſten ſey/dan̄ das heilig ewangeliiū das
wort gottes von Chriſto geprediger. Wie er ſelbs ſagt
Johānis. ij. Ich bin das leben/vnd vfferſteung/wer do
glaubt in mich/der lebt ewiglich. Jre. xvij. Ich bin der
weg/die warheit/vnd das leben. Item Mat. iij. Der
menſch lebet nit allein von dem brot/ſonder von allen
worten die do geen von dem mund gottes. So m̄ſſen
wir nun gewiſſ ſein/dz die ſeel kan alles dings entberē
on des wort gottes/vnd on das wort gottes iſt ir mit
keine ding beholffen. Wo ſy aber das wort hat/ſo darff
ſy auch keins andern dings mer/ſonder ſy hatt in dem
wort gnüg/speiſ/freud/ſtid/liecht/kunſt/gerechtheit/
warheit/weiſheit/freyheit/vn̄ alles güt überſchwenck
lich. Also leſen wir im pſalter/ſonderlich im. cxviij. pſal.
das der prophet nit met ſchreyet/dan̄ nach dem gottes
wort. Vnd in der ſchrift die allerhöchſt plag/vnd gots
tes zorn gehalten wirt/ſo er ſein wort von den mēſchen
nimpt. Widerū kein gröſſer gnad/dan̄ wo er ſein wort
hin ſend̄t. Wie im pſalm. ciiij. ſteet. Er hat ſein wort vſ
geſant/damit er in hat geholffen. Vnd Chriſtus vmb
keins andern ampts geholffen/den̄ zu predigē dz wort
gottes kummen iſt. Auch alle apoſtel/biſchöſſ/prieſter/
vnd ganzer geiſtlicher ſtand/allein vmb des worts wil
len iſt berüſſet/vnd ingeſetzt/wiewol es nun leidet an
ders geet.

Was das wort gots ſey/wie
man ſol brauchen.

W on der Freyheit eins

ZUm. vi. Fragestu aber/welchs ist dan das wort das solch grosse gnad gibe: Vnd wie sol ichs gebrauchen? Antwort/ Es ist nit anders/dan die predig von Christo geschehen/wie das Ewangeliū in heilt. Welche sol sein/vnd ist also gethan/das du hörest deinen gott zū dir reden/wie all dein leben vnd werck nichts seind vor got/sonder müßest mit allem dem das in dir ist ewiglich verterben. Welchs so du recht glaubst wie du schuldig bist/so müßtu an dir selber verzweiffeln vnd bekennen das war sey der spuch Dsee/ O Irael in dir ist nichts dan dein verterben/allein aber in mir steet dein hilff. Das du aber auß dir vnd von dir/das ist auß deinem verterben kummē mügest/so setzt er dir für seinen lieben sun Jesum christum/vnd laßt dir durch sein lebendigs tröstlichs wort sagen/du solt in den selbigen mit festem glauben dich ergebē/vnd frisch in in vertrauen. So sollen dir vmb desselben glaubens willen alle dein sünd vergeben/all dein verterben überwundē sein vnd du gerecht/warhaftig/befridet/stum/vnd all gebot erfüllt sein/von allē dingē frey sein. Wie sant Paulus sagt Ro. i. Ein rechtfertiger Christē lebt nur von seinem glaubē. Vnd Ro. x. Christus ist das end vnd ersülung aller gebot/denen die in in glauben.

Von übung des rechten glaubens.

ZUm. vii. Darumb solt das billich aller Christen einigs werck vnd übung sein/dz sy das wort vñ Christum wol in sich bildeten/solichen glauben stetig überten vnd sterckten/dan kein ander werck mag einen christen machen. Wie Christus Johan. vi. zū den indē sagt/da sy in fragten/was sy für werck thūn solten/das sy götlich vñ christlich werck chere. Sprach er/

Christen mēschen Mar. I.

Das ist das einig göttlich werck/das ic glaubt in den/ den got gesant hat/welchen got der vatter allein auch darzu verordnet hat. Darüb ist's gar ein überschwencklich reichthū ein rechter glaub in Christo/den er mit im bringt alle seligkeit/vnd abnimpt all vnseligkeit. Wie Mar. vlt. Wer do glaubt/vnd tauft ist/der wirt selig. Wer nit glaubt der wirt verdampft. Darū der prophet Isa. r. den reichthūm des selben glaubens ansach/vnd sprach/Got wirt ein kurtz sum̄a machen vff erden/vnd die kurtz sum̄a wirt wie ein sindfluß ynflößen die gerechtigkeit/das ist/der glaub/darin kurtzlich aller gebot erfüllung steet/wirt überflüssig rechtfertigē alle die in haben/das sy nichts mer bedürffen/dz sy gerecht vñ frum̄ sein. Also sagt sant Paulus. Ro. r. Das man von hertzē glaubt/das macht einen gerecht vnd frum̄.

¶ Von zweyerley wort gots/gebott vñ verheissen.

Zum. viii. Wie geet es aber zu das der glaub allein mag frum̄ machē/vnd on alle werck so überschwencklich reichthūm gebē/so doch sovil gesätz gebot/werck/stend/vñ weise vns fūrgeschribē seind in der schrift. Die ist fleissig zu merckē/vnd ye mit ernst zu behaltē/das allein der glaub on alle werck frum̄/sey/vnd selig macht/wie wir hernach mer hörē werde. Vnd ist zu wissen dz die ganz heilig schrift wirt in zweierley wort geteilt/welche seint gebot oder gesätz gots/vñ verheissen od zusagūg. Die gebot leren vñ schreibē vns für mancherley gūt werck/aber damit seind sy noch nit geschebē. Sy weisen wol/sy helffen aber nicht/lernē was mā tūn sol/gebē aber kein sterck darzu. Darüb seint sy nit darzu geordnet/das v̄ mēsch darin sehe sein vnnersmūgē zu dē gūtē/vñ lern an im selbs verzweyffeln. Vñ
darüb

Von der Freyheit eins

heissen sy auch das alttestamēt/vnd gehörien alle in dē
alt testamēt. Als das gebot/Du solt nit böß begird ha-
ben/beweiset das wir allesampt sinder seind/vnd kein
mēsch vermag zū sein on böse begird/er thū was er wöl
darauff er lernet an im selbs verzagē/vnd anderßwo zū
suchen hülff/das er on böse begird sey/vnd also das ge-
bot erfüll/durch einen andern/das er auß im selb nicht
vermag/also sein auch all andie gebot vnß vnmüglich

¶ Von der verheißung der gnad.

Vm. ix. Wen nun der mensch auß den gebotten
sein vnuermügen gelernet/vnd entpfundē hat
das im nun angst wirt/wie er dem gebot gnüg
thū/Seitenmal das gebot müß erfüllt sein/od er müß
verdampft sein/So ist er recht gedemütrigt/vñ zū nicht
worden/in seinen augen/sinder nichts in im/damit er
müg sein werden. Dañ so kumpt das ander wort/die
görllich verheißung vnd zusagung/vnd spricht/wilt du
alle gebott erfüllen deiner bösen begird/vnd sünd loß
werden/wie die gebott zwingen vnd fordern/Sihe da
glaub in Chrißtum/in welchem ich dir zusag alle gnad
gerechtigkeit/leid vnd freyheit/glaubst du/so hast du/
glaubstu nit/so hastu nicht. Dañ das dir vnmöglich ist
mit allen wercken der gebot/der vil vnd doch kein nutz
sein müssen/das wirt dir leicht vñ kurz durch den glau-
ben. Dañ ich hab kurzlich in den glauben gestellt alle
ding/das/wer in hat/sol alle ding habē vnd selig sein/
Wer in nit hat/sol nichts haben. Also geben die zusaga-
ung gottes/was die gebot erfordern/vnd verbungen/
was die gebot heissen/vff das es alles gottes eigen sey.
Gebot vnd erfüllung er heisset allein/er erfüllt auch als
lein. Darüb seind die zusagūg gottes/wort des neuwē

Christen mēschen Kap. I.

testaments / vnd gehören auch in das neuw testamēt.

¶ Warum der glaub als vil vermag.

Zum. r. Nun sein dise vñ alle gottes wort/heilig
warhafftig/gerecht/fridsam/frey/vñ aller güte
vol/darumb wer in mit einem rechten glauben
anhangt/des seel wirt mit im vereiniget so ganz vnd
gar/das alle tugent des worts/auch eigen werden der
selen. Vnd also durch den glauben die seel von dem gor
tes wort/heilig/gerecht/warhafftig/fridsam/frey/vñ
aller güte vol/ein warhafftig kind gottes wirt/wie Jo
han. i. sagt. Er hat in geben/das sy mügen kinder gots
res werden alle die in seinen namen glauben. Hierauff
leichtlich zu merckē ist/warumb der glaub so vil vermag
vñ das kein güte werck im gleich sein mügen. Dan kein
güte werck hange an dem götlichen wort/wie der glaub
kan auch nit in der selen sein/sonder allein das wort vñ
glaub regiren in der selē. Wie das wort ist/so wirt auch
die seel von im/gleych als das eysen wirt glitrodt wie
das feür/ auß der vereinigung mit dem feür. Also sehē
wir/das an dem glauben ein christen mensch gnüg hat
darff keins wercks/das er frum sey/Darff er dan keins
wercks mer/so ist es gewislich entbunden von allen ges
bottē vnd gesätzen/Ist er entbunden/so ist er gewislich
frey. Das ist die Christlich freyheit/der einig glaub/der
do macht/nit das wir müssig geen/oder übel thün müs
gen/sonder das wir keins wercks bedürffen zu der frum
keit vnd seligkeit zu erlangen. Davo wir mer hernach
sagen wöllen.

¶ Die grōst eerevbietung ist glauben.

Zum. xi. Weyter ist es mit dem glauben also ges
than/das/welcher dē andern glaubt/d' glaubt

Von der Freyheit eins

Im darüb/das er in für ein summā warhafftigen man
achtet/welchs die größte ere ist/die ein mensch dem an
dern thun kan/als widerüb die größt schmach ist/so er
in für ein losen/lügenhafftige/leichtfertigen man ach
tet. Also auch wen die seel gottes wort festiglich glaubt
so helt sy in für warhafftig/frum vnd gerecht/damit
sy im thun die allergrößte ere/die sy im thun kan/Dan
do gibt sy im recht/da laßt sy im recht/da eret sy seinen
namen/vnd laßt mit ir handeln wie er wil/dan sy zweif
felt nit er sey frum/warhafftig in allen seinen worten.
Widerumb kan man gott kein grössere vnere anthun/
dan im nit glaubē/damit die sel in für einē vntüchligē
lügenhafftigen/leichtfertige helt/vnd sovil an ir ist/in
verleügnēt mit solchem vnglauben/vnd ein abgot ir es
eigen sinn im herten wider gott vffricht/als wölte sy es
besser wissen dan er. Wen dan gott sieht das im die seel
warheit gibt/vnd also eret durch irē glaubē/so eret er
sy widerumb/vn helt sy auch für frum vnd warhafftig/
vnd sy ist auch frum vnd warhafftig durch solchē glau
ben/dan das man gott die warheit vnd frumkeit geb/
das ist recht vnd warheit/vnd macht recht vn warhaff
tig. Die weil es war ist vnd recht das gott die warheit
geben werd/welchs die nit thun die nit glauben/vnd
doch sich mit vilen gūten wercken treiben vnd mühen.

¶ Der glaub vereinigt die seel mit Christo.

Vm. xij. Nit allein gibt der glaub sovil das die
seel dem götlichen wort gleich wirt aller gnadē
vol/frey/vnd selig/sonder vereinigt auch die sel
mit Christo/als ein brant mit irem brenntgam. Auß wels
cher ee volget/wie sant Paul sagt/das Christus vn die
sel ein leib werdē/so werdē auch beider gūter fal/vnfal

Christen mēschen Mar. Lu.

vnd alle ding gemein/das was Christus hat/das ist eigen der glaubigē seel/was die sel hat wirt eigen Christi So hat christus alle gūter vñ seligkeit die seind der selē eigen/so hat die sel alle vntugēt vnd sünd vffir die werden Christi eigen. Die hebt sich nun der frölich wechsel vnd streyt/dieweil Christus ist got vnd mēsch/welcher noch nye gesündiget hat/vñ sein frumkeit vnüberwintlich/ewig vñ allmechtig ist/so er den der glaubigē seelen sünd durch iren brautring/das ist der glaub/im selbs eigen macht/vñ nit anders thūt dan als het er sy gethan so müssen die sünd in im verschlunden vnd erseufft werden. Dan sein vnüberwintlich gerechtigkeit ist allē sünden zu starck/also wirt die sel vō allen iren sündē lauterlich durch iren malschatz/das ist des glaubēs halbē/ledig vnd frey/vnd begabt mit der ewigen gerechtigkeit als brautgams Christi. Ist nun das nit ein fröliche wirtschafft da der reych/edel/frum brautgam Christus das arm veracht böses hūclin zu der ehe nimpt/vnd sy entlediget von allem übel/zieret mit allen gūtern. So ist es nit möglich das die sünd sy verdam/dan sy ligē nun vff Christo/vnd seind in im verschlunde/so hat sy so ein reiche gerechtigkeit in irem brautgā/das sy abermals wider alle sünd bestan mag/ob sy schon vffir liegen. Davon sagt Paulus. j. Cor. xv. Gott sey lob vnd danck der vns hac gegebē ein solch überwindung in Christo Jesu in welcher verschlunden ist der tod mit der sünd.

Der glaub erfülle alle gebott gots.

Zum. xiiij. Die sichstu aber vñ welche grund dem glaubē so vil billich zu geschribē wirt/dz er all gebot erfüllet/vñ on all andre werck frum macht. **D**an du sichst hie das er das erst gebot erfüllt allein/da

B ij gebottē wirt/

W on der Freyheit eins

Da solt einen gott eren. Wenn du nun eytel güt werck werest biß vff die versen/so werest du dennoch nit frum vnd gebest got noch kein ere/vnd also erfüllestu das aller erst gebott nit. Dañ got mag nit geeret werden/im werd dañ warheit vñ alles güt zü geschribē/wie er dañ warlich ist. Das thün aber kein gute werck/sonder allein der glaub des hertzen/darüb ist er allein die gerechtigkeit des menschen vnd aller gebott erfüllung. Dañ wer dz erst haupt gebott erfüllt/der erfüllt gewißlich vñ leichtlich auch all ander gebot. Die werck aber sein tod ding/künden nit eren noch loben got/wiewol sy mügē geschē/vnd lassen sich thün got zü eren vnd lob/aber wir suchen hie den/der nit gethan wirt/als die werck/sonder den selb thetter vnd werckmeister/der gott eret/vnd die werck thut. Das ist niemäd dañ der glaub des hertzen/der ist das haupt/vnd ganzes wesens der frumkeit/darumb es ein ferlich finster red ist/wen man lernet die gottes gebott mit wercken zü erfüllen/so die erfüllung vor allen wercken durch den glauben müß geschehen sein/vnd die werck volgen nach der erfüllung/wie wir hören werden.

¶ Was wir in Christo haben mügen vnd auß seiner priesterschafft.

Z Um. iiii. Weyter zü sehē was wir in Christo haben/vnd wie groß güt sey ein rechter glaub/ Ist zü wissen das vor vñ in dem alten testamēt got im außzog/vnd vorbehielt all erste menliche geburt/vō menschen vnd von thiren. Vnd die erst geburt war kostlich/vnd hat zwen grosse vorteil vor allen andern kindern/nemlich die herrschafft vñ priesterschafft/oder künigreich vnd priesterthumb/also das vff erden das erst

Christen menschlichen Mar. I.

geboren kneblin was ein herr über alle sein brüder/vnd empfangen oder Babst vor got. Durch welcher figur bedüet ist Jesus christus/der eigentlich die selbst erst menschlich gebürt ist gottes vatters/von der iunckfrowen Maria.

Darum ist er ein künig vnd priester/doch geistlich/dan sein reich ist nit irdnisch/sonder in geistlichen gütern/als da sein die warheit/weisheit/ruh/freud/seligkeit ic. Damit aber nit außgezogen ist zeitlich güte/dan es ist in alle ding vnderworfen/in hymel/erden/vnd hell/wie wol man nit sieht/das macht das er geistlich/vnsichtlich regiert. Also auch sein priestertumb steet nit in den eusserlichen geberden/vnd kleidern/wie wir bey den menschen sehen/sonder es steet im geist vnsichtlich/also das er vor gottes augen on vnderlaß für die seinen steet/vnd sich selbst opffert/vn alles thut was ein fromm priester thun sol. Er bittet für vns/wie sant Paul Ro. viij. sagt. So leret er vns inwendig im hertzen/welchs sein zwey eygentliche recht ampt eins priesters. Dan also bittet vnd lehren auch eusserlich menschlich zeitlich priester.

¶ All christen sein durch den glauben künig.

Aum. xv. Wie nun Christus die erst gebürt hat/ mit irer ere vnd würdigkeit/also teilt er sy mit allen seinen christen/das sy durch den glauben müssen auch all künig vn priester sein mit Christo/wie sant Petrus sagt. j. Pet. ij. Ir sein ein priestertlich künigreich vnd ein küniglich priestertumb. Vnd das geet also zu/das ein christen mensch durch den glauben so hoch erhaben wirt über alle ding/das er ir aller ein herr wirt geistlich/dan es kan im kein ding nicht schaden zu der seligkeit. Ja es muß im alles vnderthan sein/vnd helfen zu der seligkeit. Wie sant Paulus leret Ro. viij. Alle ding

Von der Freyheit eins

müssen helfen den außewelten zu irem besten/es sey leben/sterben/sünd/sumtheit/güt vnd böses/wie man es nennen kan. Item. j. Cor. iij. Alle ding seind einwer/es sey das lebē oder der tod/gegenwertig oder zu künsttig etc. Mit das wir aller ding leiblich mechtig seind/sy zu besitzten/oder zu brauchē/wie die mēschen vfferden/dan wir müssen sterbē leiblich/vnd mag niemand dem tod entfliehen/so müssen wir auch vil andern dingē vnderligē wie wir in Christo/vnd seinen heiligen sehen/dan diß ist ein geistlich herrschafft/die do regiert in der leiblichē vndertrückung/das ist/ich kan mich an allen dingē bessern nach der selen/das auch der tod vnd leiden müssen mir dienen/vnd nutzlich sein zu der seligkeit/das ist gar ein hohe erliche würdigkeit/vnd ein rechte almechtige herrschafft/ein geistlich künigreich/da kein ding ist so güt/so böß/es muß mir dienen zu güt so ich glaub/vn darff sein doch nit/sonder mein glaub ist mir gnügsam. Sich wie ist das ein kostlich freyheit vnd gewalt der christē.

¶ Wir seind auch priester
durch den glauben.

Vm. xvj. Ober das seind wir priester/dz ist noch vil mer dan künig sein/darum das das priesterthumb vns würdig macht vor got zutrettē/vnd für andre zu bitten. Dan vor gotes augen zu steen vnd bitten/gebürt niemand dan den priestern. Also hat vns Christus erworben/das wir mügen geistlich für ein ander treten vnd bitten/wie ein priester für das volck leiblich tritt vnd bittet. Wer aber nit glaubt in Christum/dem dienet keyn ding zu güt/ist ein knecht aller ding/muß sich aller ding ergern/darzu ist sein gebett nit awgenem/kumpt auch nit für gotes angē. Wer mag nun

Christen mēschen Mar. Lu.

aufdenckē die ere vnd hōhe eins christen mēschen durch
sein küngrich ist er aller ding mechtig/durch sein pries
sterthum ist er gottes mechtig/dan got thut was er bit
tet/vnd wil/wie do steet geschribē im psalter. Got thut
den willen der die in fürchten/vnd erhōret ir gebett/zū
welchen eren er nur allein durch den glauben/vñ durch
kein werck kumpt. Darauf man klar sicht/wie ein chris
ten mensch frey ist von allen dingē vnd über alle ding/
also das er keiner güter werck darzū bedarff/dz er frum
vñ selig sey/sonder der glaub bringts im alles überflüs
sig. Vnd wo er so toucht wer/vnd meynt durch ein güc
werck frum/frey/selig oder christen werden/so verliur er
den glauben mit allen dingen/Gleich als der hund der
ein stück fleisch im mund trug/vñ nach dem schatten
in wasser schnapt/damit fleisch vnd schatten verlor.

Vnderscheid zwischen priestern vnd
leyen in der christenheit.

Vm. viij. Fragestu/ Was ist dan für ein vnders
scheid zwischē den priestern vnd leyen in der chri
stenheit/so sy all priester seind? Antwort. Es ist
dem wörtlin priester/pfaff/geistlich/vnd desgleichē vn
recht geschehen das sy von dem gemeinē hauffen seind
gezogen vff den kleinen hauffen/ den man yetz nennet
geistlichen stand. Die heilig schrift gibt keinen andern
vnderscheid/dan das sy die geleerten oder geweyheten
nennet *Diakonos*/seruos/oeconomos/das ist/diener/
knecht/schaffner/die do sollē den andern Christū/glau
ben/vnd Christliche freyheit predigen. Dan ob wir wol
alle gleich priester seind/so künde wir doch nit all diene
oder schaffnen vnd predigē. Also sagt sant Pauls. j. Cor.
iij. Wir wolle nichts mer von den leuten gehalten sein/

W on der Freyheit eins

Dañ Christus diener vñ schaffner des Ewangelij. Aber
nun ist auß der schaffnerrey worden ein solich weltlich/
enfferlich/prechtige/forchtsam herrschafft vnd gewalt
das ir die recht weltlich macht in keinen weg mag gleis
chen/gerad als weren die leyen etwas anders dan chri
stenleüt/damit hingenommen ist der ganz verstande
Christlicher gnad/freyheit/glaubens vnd alles was wir
von Christo habē/vnd Christus selbs/habē dafür über
kummē vil mēschen gesatz vnd werck/sein ganz knecht
worden/der aller vntüchligsten leüt vff erden.

¶ Wie man sol Christum predigen.

Zum. xvij. Auß dem allen lernen wir/das es nie
gnüg sey gepredigt/wen mā Christus leben vñ
werck obenhin/vnd nur als ein historiā vnd Co
ronicken geschicht predigt/schweig dan/so mā sein gat
schweygt/vnd das geistlich recht oder ander menschen
gesatz vnd lere predigt. Er ist auch vil/die Christū also
predigen vnd lesen/das sy ein mitleiden über in haben/
mit den iuden zürnen/oder sinst mer kindisch weis darz
innen üben. Aber er sol vñ müß also gepredigt sein/das
mir vnd dir der glaub darauß erwachs/vnnd erhalten
werd. Welcher glaub dardurch erwechset vnd erhalten
wirt/wen mir gesagt wirt/warumb Christus kummen
sey/wie man sein brauchen vnnd niessen sol/was er mir
bracht vnd geben hat/das geschicht wo man recht auß
legt die Christlich freyheit/die wir von im haben/vnd
wie wir künig vnd püester sein/aller ding mechtig. Vñ
alles was wir thun/das vor gottes augē angenehm/vñ
erhört sey/wie ich bißher gesagt hab. Dañ wo ein hertz
also Christum höret/das müß frölich werden von ganz
hem grund/tröst entpfahen/vnd süß werdē gegen Chri

Christen mēschen Mar. Lu.

sto/in widerumb lieb zū haben. Dahin es nymmer mer mit gesägen oder werck kummē mag. Dañ wer wil einem solchen herten schaden thūn/oder erschrecken: felt die sünd vnd der tod doher/so glaubt es Christus frumkeit sey sein/vnd sein sünd sein nymmer sein/sonder Christi/so müß die sünd verschwinden für Christus frumkeit in dem glauben/wie daroben gesagt ist/vnd lernet mit dem Apostel dem tod vnd sünd trutz bieten/vnd sagen/Wo ist nun du tod? dein sig? wo ist nun tod? dein speiß? dein speiß ist die sünd. Aber gott sey lob vnd danck/der vns hat geben den sieg/durch Jesum Christum vnsern herrn/Vnd der tod ist erseufft in seinem sig. 2c.

Hie kumpt er vff den eusserlichen mēschen.

Um. xix. Das sey nun gnüg gesagt von dem innerlichen mēschen/von seiner freyheit/vnd der haubt gerechtigkeit/welch keyns gesäz noch güten wercks bedarf/ia ir schedlich ist/so yemand dar durch wolt rechtfertig zū werden sich vermessen. Nun kummē wir vffs anderteyl/vff den eusserlichen mēschē. Hie wöllen wir antworten allen denen/die sich ergern auß dem vorigen reden/vnd pflegen zūsprechen/Es so dañ der glaub alle ding ist/vnd gilde allein gnügsam frum zū machen/warumb sein dañ die güten werck gebotten: so wöllen wir güter ding sein/vnd nichts thūn. Neyn lieber mensch/nit also. Es wer wol also/wen du allein ein innerlich mensch werest/vnnd ganz geistlich vnd innerlich worden/welchs nit geschicht biß am jüngsten tag. Es ist vnd bleibt vff erden nur ein anheben/vñ zünemen/welchs wirt in ihener welt verbracht. Daher heisset der Apostel primitias spiritus/das seint die erste frucht des geists/darumb gehört hieher das darobē ges

W on der Freyheit eins

sagt ist. Ein christen mensch ist ein dienstbar knecht/vñ yedermā vnder tan/gleich wo er frey ist darff er nichts tūn/wo er knecht ist/ muß er allerley thūn. Wie das zu see wöllen wir sehen.

Von leiblicher übung nottūfftig in disem leben.
Vm. ix. Ob wol der mensch inwendig nach der selen durch den glaubē gnügsam rechtfertig ist vnd alles hat was er haben sol/on das der selb glaub vnd gnügd muß yemmer zunemen bis in ihenes leben/so bleibt er doch noch in disem leiplichen leben vff erden/vnd muß seinen eigen leip regiern/vnd mit leütē vmbgeen. Sa hebē sich nun die werck an/hie muß er nit müßig geen/da muß fürwar der leip mit fasten/wachē arbeiten/vnd mit aller messiger zucht getriben vnd geübt sein/das er dem innerlichen menschen/vnd dē glauben gehorsam vnd gleichformig werd/nit hindre noch widerstreb/wie sein art ist/wo er nit gezwungen wirt/dan der innerlich mensch ist mit gott einf/stölich/vnd lustig/vmb Chyustus willen/der im sovil than hatt vnd steet alle sein lüst darin/das er widerumb möcht gott auch vmb sunst dienē in freyer lieb/so findt er in seinem fleisch einen widerspenstigen willē/der wil der welt die nen/vnd sūchen was in lüfter. Das mag der glaub nit leiden/vnnd legt sich mit lust an seinen hals in zū dem men vnd weren. Wie sant Pauls sagt Ro. vii. Ich hab ein lust in gottes willē nach meinem innern mēschen/so find ich einē andern willē in meinē fleisch/der wil mich mit sündē gefangē nomē. Irē ich züchtig meinē leip vñ treyb in zū gehorsam/vff das ich nit selbs verwerfflich werd/der die andern leren sol. Irē Gal. v. Alle die Chrißte angehörē/creüzige it fleisch mit seinen bösen lüstē.

Christen mēschen Kap. I.

¶ Von der meinung in vnsern wercken.

Zum. xij. Aber dieselben werck müssen mit geschehen in der meinung/das dadurch der mēsch frum werd vor gott/dan die falsch meinung kan der glaub nit leiden/der allein ist/vnnd sein muß die frumheit vor got/sonder nur in der meinung das der leip gehorsam werd/vnd gereiniger vō seinen bösen lüsten/vñ das ang nur sehe vff die bösen lüsten sy auß zūtreyben. Dan dieweil die seel durch den glaub reyn ist/vnd got liebt/wölt sy gern das auch also alle ding reyn weren/zñ vor ir eigen leip/vnd yederman gott mit ir liebt vnd lobt. So geschicht es das der mensch seins eigen leybs halben nit kan müßig geen/vnnd muß vil gütter werck darüber üben/das er in zwing/vnd doch die werck nit das recht güt seind/da von er frum vnd gerecht sey vor got/sonder thū sy vñ freyer lieb vmb sunst/got zū gefallen/nichts darin anders gesucht noch angesehen/dan das es gott also gefellt/welchs willen er gern het vñ allerbest. Darauß dan ein yeglicher kan selbs nemē die maß vñ bescheidēheit den leib zū casten/dan er fastet/wachet/arbeit/so vil er sicht dem leyb nott sein/seinen müßwillen zū demmen. Die andern aber die do meinen mit wercken frum zū werden/haben kein acht vff die castung/sonder sehē nur vff die werck/vnd meinen wēñ sy der selben nur vil vnd groß thūn/so sey es wol than/vnd sy frum wordē/zñ weilen zerbrechē sy die köpff/vñ vertreiben ir leib darüber/das ist ein grosse torheit/vnd vnuerstandt Christlichs lebens vnd gimbē/das sy on glauben durch werck frum vnd selig werden wöllen.

¶ Gleichnißen von Adam vnd Eva vnd bischöfflichen wercken.

C ij

Wou der Freyheit eins

Zum. xxij. Das wir des etlich gleichniß gebē/ sol
man die werck eins christen menschen der durch
seinen glaubē/ vnd auß lautern gnaden gottes/
vmb sunst ist rechtfertig vnd selig worden/ nit anders
achten/ dan wie die werck Adam vnd Lue im paradys
gewesen weren/ do von Gen. ij. steet geschribē/ das got
den geschafften mēschē setzt inß paradys/ das er dasselb
arbeitē vnd hüten solt. Nun war Adam von gott frum
vnd wol geschafften/ on sünd/ das er durch sein arbeiten
vnd hüten nit dürfft frum vnd rechtfertig werden/ doch
das er nit müßig gieng/ gab im got zū schaffen/ das pa
radys zū pflanzen/ bauwen vnd bewaren. Welchs we
ren eytel frey werck gewesen/ vmb keins dings willē ge
than/ dan allein got zū gefallen/ vnd nit vmb frumkeit
zū erlangen/ die er zū vor het/ welch vns auch allen na
türlich were angebom gewesen. Also auch eins glaubi
gen menschen werck/ welcher durch seinen glaubē ist wi
derum inß paradys gesetzt/ vnd vō neuwen geschafften/
darff keiner werck frum zū werdē/ sonder dz er nit müßi
gig gee/ vnd seinen leib arbeit vñ beware/ seind im solch
freye werck zū thun allein got zū gefallē befolhen. Itē
gleich wie ein geweyhter bischoff/ weñ der Kirchen weis
het/ firmet/ oder sunst seins ampts werck übet/ so ma
chen in die selben werck nit zū einem bischoff/ ia weñ er
nit zū vor ein bischoff geweyhet wer/ so solte der selben
werck keins vnd wer eytel narrewerck. Also ein christen/
der durch den glauben geweiht/ güte werck thut/ wirt
durch die selben nit besser oder mer geweiht (welch nit
dem des glauben merung thut) zū einē christen/ ia weñ
nit zū vor glaubt/ vnd christen were/ so gülden alle seine
werck nichts/ sonder weren eytel nerrisch sträfflich/ ver
damlich sünd.

Chriften mēschen Bar. I.

¶ Von den zweyen sprüchen.

Zum. xiiij. Darumb seind die zwen sprüch war/
Güte frumē werck machen nymer mer ein güte
frummē man/sonder ein güte frum man macht
güte frum werck. Böse werck machen nyem er mer ein
bösen man/sonder ein böser man macht böse werck/al
so das allweg die person zuvor müß güte vnd frum sein
vor allen güten wercken/vnd güte werck folgē vnd vff
geen von der frummen güten person. Gleych wie Chris
tus sage/ Ein böser baum treget kein güte frucht. Ein
güter baum treget kein böse frucht. Nun ist offenbar/
das die frucht tragen nit den baum/ so wachsen auch
die bäum nit vff den fruchten/ Sonder widerumb/die
bäum tragen die frucht/vnd die frucht wachsen vff den
bäumē. Wie nū die bäum müssen ee sein dan die frucht
vnd die frucht machē nit die bäum weder güte noch böß
sonder die bäum machē die frucht. Also müß der mēsch
in der person zuvor frum oder böß sein/ee er güte oder
böse werck thut. Vnd sein werck machē in nit güte oder
böß/sonder er macht güte oder böse werck. Desgleichē
sehen wir in allen hantwercken/ein güte oder böß haus
macht keinen güten oder bösen zimmermā/sonder ein
gütter oder böser zimmerman macht ein böß oder güte
haus/kein werck macht einē meister/darnach dz werck
ist/sond wie der meister ist/darnach ist sein werck auch.
Also seind die werck des menschen auch/wie es mit im
steet im glauben oder vnglauben/darnach seind seine
werck güte oder böß. Vnd nit widerumb/wie sein werck
steet/darnach sei er frum oder glaubig/die werck gleich
wie sy nicht glaubig machen/so machen sy auch nicht
frum. Aber der glaub gleich wie er frum macht/so ma

Von der Freyheit eins

cher er auch güte werck. So dann die werck nyemandē frum machen/vnd der mēsch zū vor müß frum sein ee er wirckt/so istts offenbar das allein der glaub vñ lauterē gnadē/durch Christi vñ sein wort/die person gnügsam sam vnd selig macht. Vnd das kein werck/kein gebot einem christen nott sey zū der seligkeit/sonder er frey ist von allen gebottē/vnd auß lauterer freyheit vmbstündt thüt/als was er thüt/nichts damit gesücht seins vngs oder seligkeit. Dan er schon sat vnd selig ist durch seine glaubē/vnd gottes gnadē/sond nur got darin gefallē

Wo mit anhebt frumkeit.

Vm. xxiij. Widerumb dem der on glauben ist/ist kein güte werck fürderlich zū der frumkeit vñ seligkeit/widerumb kein böse werck in böß vnd verdampt machen/sonder der vnglaub der die person vnd den baum böß macht/der thüt böse vñ verdampte werck. Darüb weiß man frum oder böß wirt/hebt sichs nit an den wercken an/sonder an dem glaubē. Wie der weiß man sagt/Anfang aller sünd ist von got weichen vnd im nicht tranwen. Also leret auch Christus/wie mñ nit an den wercken müß anheben/vnd sagt. Entweder mache den baum güte/vnd seine fruchte güte/oder mache den baum böß/vnd sein frucht böß/Als solt er sagen/wer güte frucht habē wil/müß zū vor an dem baum anheben/vnd den selben güte setzen. Also wer do wil güte werck thün/müß nit an den wercken anheben/sonder an der person die die werck tün sol. Die person aber macht niemant güte/dan allein der glaub/vnd niemant mache sy böß/dann allein der vnglaub. Das ist wol war/die werck machē einen frum oder böß vor den mensche/das ist/sy zeygen eusserlich an/wer frum oder böß sey. Wie

Christen mēschen Mar. Lu.

Christus sagt Matt. vij. Auf iren frūchtē sollent ir sy er
kennen. Aber dz ist alles im schein vñ eusserlich. Welchs
ansehen ir macht vil leüt/die do schreiben vnd lernen/
wie man gute werck thūn sol/vnd frum werden/ so sy
doch des glaubens nymer gedencken/geen dahin/vnd
füret ymmer ein blinder den andern/marteren sich mit
vilen wercken/vnd kummē doch nymer zū der rechten
frumkeit/von welchen sant Pauls sagt. ij. Tim. iij. Sy
habē einen scheyn der frumkeit/aber der grund ist nicht
da/geen hin vnd lernen ymer vnd ymmer/vnd kummē
doch nymmer zū der erkantnuß der waren frumkeit.

Wer nun mit den selbigen blinden nicht wil irren/muß
weyter sehē/dañ in die werck/gebott/od lere der werck
Er muß in die person sehē vor allen dingē/wie die frum
werd. Die wirt aber nicht durch gebote vnd werck/son
der durch gottes wort (dz ist/durch sein verheissung der
gnaden)vnd den glaubē/frum vnd selig/vff das bestee
sein götlich ere/das er vns nicht durch vnser werck/son
der durch sein gnedigs wort vmb sunst vñ lauter barmh
herzigkeit selig mach.

¶ Wie man sol leren die guten werck.

Zum. xxv. Vñ disem allen ist leichtlich zū versteen
wie gute werck zū verwerffen vnd nicht zū vers
werffen sind/vnd wie mā alle lere versteen sol/
die do gute werck leren/dañ wo der falsch anhang/vñ
die verkerete meinung darin ist/das durch die werck wir
frum vnd selig werden wöllen/seind sy schon nit gut/
vñnd ganz verdamlich/dann sy seind nicht frey/vñnd
schmeben die guad gottes/die allein durch den glaub
ben frum vñnd selig macht/welches die werck nit ver
mögen/vñnd nemmen es in doch für zū thūn/vnd das

W on der Freyheit eins

mit der gnaden in ir werck vnd ere greiffen. Darüb verwerffen wir die güte werck nit vmb iren willen/sonder vmb des selb bösen zūsatzs/vnd falscher verketterer meinung willen/welche macht das sy mir güte scheinen/vñ seind doch nit güte/betriegem sich vnd yedermā damit/gleich wie die reyssende wölff in schaffs kleydern. Aber der selb böß zūsatz/vnd verketterte meinung/in den werckē ist vnüberwintlich/wo der glaub nit ist. Er muß sein in dem selbigen wirckheiligen biß der glaub kum/vnd verstore in/die natur vermag in von ir selb nit austreiben/ia auch nicht erkennen/sonder sy helt in für ein kostlich selig ding/darumb werden ir auch sovil dardurch verführt. Derhalben obs wol güte ist von reüwen/beichten/gnügthün/schreibē vnd predigen/so man aber nit weiter faret biß zum glauben/seind es gewißlich eytel reüfelisch/verfürisch lere. Man muß nit einerley allein predigen/sonder alle beid wort gottes. Die gebot sol man predigē die sündler zu erschrecken/vnd ire sünd zu offenbarn/das sy reüw haben/vnd sich bekeren. Aber do sol es nit bleiben/man muß das ander wort/die zūsagung der gnaden auch predigen/den glaubē zu leren/on welchen die gebot/reüw/vñ alles ander vergebēs geschicht. Es sein wol noch bliben prediger/die reüw der sünd vñ gnad predigen/aber sy streichen die gebot vnd zūsagung gottes nicht auß/das man lere woher/vnd wie die reüw vnd gnad kum. Dan die reüw fleußt auß den gebotten/der glaub auß den zūsagung gottes/vñ also wirt der mensch durch den glauben göttlicher wort gerecht fertiget vnd erhaben/der durch die forcht gottes gebot gedemütiget/vnd in sein erkantnuß kumen ist.

Von wercken gegen vnserm nechsten menschen.

Christen mēschen Mar. Lu:

Zum. xxvj. Das sey von den wercken gesagt in
gemein/vnd die ein christen mensch gegen seinē
eigen leib siben sol. Nun wöllē wir von mer wer
cken sagen/die er gegen anderē mēschen thut. Dañ der
mensch lebt nit allein in seinem leyb/sonder auch vnder
andern menschen vff erden. Darüb kan er nit on werck
sein gegen den selben/er muß ye mit in zureden vnd zū
schaffen haben/wiewol im der selbigen werck keins not
ist zū der frumkeit vnd seligkeit. Darumb sol sein meyo
nung in allen wercken frey/vnd nur dahin gericht sein/
das er andern leüten damit diene vnd nütz sey. Nichts
anders im fürbilde/dañ was den andern nott ist/das
heißt den ein warhafftig Christen lebē/vnd da geet der
glaub mit lust vñ lieb ins werck/als sant Paulus leret
die Galatas. Dañ zū den Philippen. do er sy gelet hat
wie sy alle gnad vnd gnüg hetten durch iren glauben
in Christo/leret er sy weyter vñ sagt/Ich verman euch
alles trosts/den ir in Christo habt/vñ alles trosts den ir
habt von vnser liebe zū euch/vnd aller gemeinschaft/
die ir habet mit allen geistlichē stummē christen/ir wöls
lent mein hertz erfreu wē volkomlich/vnd das damit dz
ir hinfürt wöllent eins sūns sein/einer gegen dē andern
lieb erzeigen/einer dem andern dienē/vnd ein yeglicher
acht haben/nit vff sich noch vff das sein/sonder vff den
andern/vñ was dem andern not sey. Sihe da hat Pau
lus klärllich ein Christenlich leben dahin gestellt/das al
le werck sollē gericht sein dem nechsten zū güt. Siweil
ein yeglicher für sich selb gnüg hat an seinem glauben/
vñ all andie werck vnd lebē im überig seind/seinē nech
sten damit auß freyer lieb zū dienen. Darzū füret er vñ
Christum zū einem exempel/vnd sagt. Seyt also gesin

WON DER FREYHEIT EINS

wie ir schē in Christo. Welcher ob er wol vol göttlicher form was/vnd für sich selb gnüg hat/vñ im sein leben/wircken vnd leiden nicht nott were/das er damit frum oder selig würd/dennoch hat er sich des alles geenuffert/vnd geberdet wie ein knecht/allerley gethan vnd gelieten/nichts angesehen dan vnser bestes/vnnd also ob er wol frey war/doch vmb vnser willē ein knecht wordē.

Von merung des rechten glaubens
zu nutz dem nechsten.

ZUm. xvij. Also sol ein christen mensch/wie Christus sein haubt vol vnd sat/im auch benügē lassen an seinem glauben/den selben ymer meren/welcher sein lebē/frumkeit vnd seligkeit ist/der im giba alles was Christus vnd got hat/wie darobē gesagt ist. Vnd sant Paul Gal. j. spricht/was ich noch in dem cörper lebe/das leb ich in dem glauben Christi gottes sun. Vnd ob er nun ganz frey ist sich widerumb willigtlich einē diener machen seinem nechsten zu helfen/mit im faren vnd handeln/wie got mit im durch Christū gehandelt hat/vnd das alles vmb sunst/nichts darinnen sūchē dan göttlichs wolgefallen/vnnd also dencken/Behan mein got hat mir vnwürdigen verdampren mēschen on alle verdiensst lauterlich vmb sunst/vnd auß eitel barmherzigkeit geben/durch vnnd in Christo volle reichthū aller frumkeit vnd seligkeit/das ich hinsurt nichts mer bedarff/den glaubē es sey also. Ey so wil ich solchē vatter der mich mit seinen überschwencklichē gütern also überschüttet hat widerumb frey/frölich vnd vmb sunst thun was im wolgefällt. Vnd gegen meinem nechsten auch werdē ein christen/wie Christus mir wordē ist/vnd nichts mer thun/dan was ich nur sibe im not/nutzlich

Christen mēschen Mar. Lu.

vnd seliglich sey/dieweil ich doch durch meinen glaubē alles dings in Christo gnüg hab. Sihe also fleüßet auß dem glaubē die lieb vnd lust zu gott/vnd vß der lieb ein frey/willig/frölich leben dē nehsten zu dienē vmbsumst. Dañ zu gleich wie vnser nehster not leydet/vnd vnser übrige bedarff/ also habē wir vor got not gelitten/vnd seiner gnadē bedürfft. Darumb wie vns got hat durch Christum vmbsumst geholffen/also sollen wir durch den leib vn seine werck nit anders daß dem nehsten helfen. Also sehē wir wie ein hoch edles lebē sey vmb ein Christlich lebē/das leider nun in aller welt nicht allein nidert ligt/sond auch nicht mer bekāt ist/noch gepredigt wirt.

Wie die werck nott oder nit not seyen zu der stumkeit oder seligkeit.

Vm. xxvij. Also lesen wir Luce. ij. das die iunckfrow Maria zu der kirchē gieng nach den sechs wochen/vnd ließ sich reinigen nach dem gesätz/wie all andre weiber/so sy doch nit gleich mit in vnrein war/noch schuldig der selben reinigung/bedorfft ir auch nit. Aber sy thers auß freyer lieb/das sy die andere weyber nicht verachtet/sond mit dē hauffen blibe. Also ließ Paulus sant Timotheū beschneidē/nicht dz es not wer sond das er den schwach gläubigen indē nit vrsach geb zu bösen gedancken/der doch widerumb Titū nit wolt lassen beschneidē/da mā daruff dringē wolt/er müßt beschnittrē sein/vñ wer not zu der seligkeit. Vnd Christus (Mat. xvij.) da vō seinē iungern ward der zinspfennig gfordert/disputiert er mit sant Peter/ob nit künigs kind der frey werē zins zu gebē/ Vñ sant Peter/ia sagt/Hies er in doch hingeen an dz meer/vnd sprach. Vff das wir sy nit ergeren/so gang hin den ersten fisch den du sahest/

Von der Freyheit eins

den nyñ/vnd in seinem maul wirstu findē ein pfennig/
den gib für mich vnd dich. Das ist ein fein exempel zñ
diser lere/da Christus sich vñ die seinen frey künigs kin
der nennet/die keins dings bedürffen/vnd doch sich vn
derlasset williglich dienet/vnnd gibt den zins. Wievil
nun das werck Christo not war/vñ dienet hat zñ seiner
frumkeit oder seligkeit/sovil seind alle ander sein/vnd
seiner chriſten werck in not zñ der seligkeit/sonder seind
alles frey dienst/zñ willen vnd besserung der andern.
Also solten auch aller priester/Clöster vnnd stift werck
gethan sein/das ein yeglicher seins stands vnd ordens
werck allein darumb thert/den andern zñ wilſaren/vñ
seinen leib zñ regiren/den andern exempel zñ gebē auch
also zñ thun/die auch bedürffen ire leib ze zwingē/doch
alle zeit fürsehen/das nit dardurch frum vnd selig wer
den fürgenommen werd. Welchs allein des glaubens
vermüge ist. Vff die weis gebeut auch sant Pauls Ro.
rij.vnd Tit. iij. Das sy sollē weltlichem gewalt vnder
than vnd bereyt sein/nit das sy dar durch frum werden
sollen/sonder das sy den andern/vñ der oberkeit damit
frey dieneten/vnd iren willen theren auß lieb vnd frey
heit. Wer nun disen verstant het der künd leichtlich sich
richten in die vnzelichen gebottē/vnd gesätzē des babst
der bischöff/der clöster/der stift/der fürsten vnd herrē/
die erlich doll prelaten also treiben/als weren sy not zñ
der seligkeit/vnd heissen es gebott der kirchen/wie wol
vnrecht. Dan ein freyer chriſten spriche also/Ich wil fa
ffen/betten/diſ vnd das thun/was gebotten ist/niche
das ichs bedarff/oder dardurch wölt frum od selig wer
den/sonder ich wil es dem Babst/bischöff/der gemeyn
oder meinem mitbrüder/herrn/zñ willen/exempel vnd

Christen mēschen Mar. Lu.

dienst thūn/vnd leidē/gleich wie mir Christus vil gross
ser ding zū willen than vnd gelitten hat/defß im vil we
niger not war. Vñ ob schon die tyrannē vnrecht thūnd
solchs zū fordern/so schadt es mir doch nüt/dieweyl es
mir wider gott ist.

Wie man nit in wercken sol eignen nutz
suchen besonder des nehsten.

Vm. xxix. Hier auß mag ein yeglicher ein gewiß
vteil vnd vnderscheid nemen vnder allen wer
cken vnd gebottē/ auch welchs blind/doll oder
rechtsinnige prelaten seind. Dann welchs werck dahin
außgericht ist dem andern zū dienen/ oder seinen wil
len zū leidē/so ferr er nit zwing wider got zū thūn/so ist
es ein güt christlich werck. Daher kumpt das ich sorg/
wenig stift/kirchen/clöster/altär/mess/restamēt/christ
lich sein/dar zū auch die fasten vnd gebett etlichen heis
ligen sonderlich gethan. Dañ ich fürcht das in den allē
samt ein yeglicher nur das sein sucht/vermeynet das
mit sein sünd zū büssen/vnd selig werdē. Welchs alles
kumpt auß vnwissenheit des glaubens/vnd christlicher
freyheit. Vnd etlich blind prelatē die leüt dahin treibē/
vnd solich wesen preysen/mit ablaß schmuckē/vnd den
glauben nymer mer leren. Ich rat dir aber wiltu etwas
stiffren/betten/fasten/so thū es nit der meinūg das du
wöllest dir etwas güts thūn/sond gibß dahin frey/das
andere leüt desselbē genießten mügen/vnd thū es in zū
güt/so bistu ein rechter Christen/was sollen dir dein gü
ter/vnd güte werck die dir übrig seind dein leib zū regie
ren vnd versorgen/so du gnüg hast am glauben/dar in
dir got alle ding gebē hat. Sich also müssen gottes gü
ter fließen auß einem in den andern/vnd gemein werdē

1857926

Von der Freyheit

Das ein yeglicher sich seins nehsten also annem̄/als wer
 ers selb. Auß Christo fließen sy in vns/der sich vnser hac
 angenommen in seinem leben/als wer er das gewesen
 das wir seind. Auß vns sollē sy fließen in die so ir bedürf
 fen. Auch so gar/das ich müß auch meinen glauben vñ
 gerechtigkeit für meinen nehsten setzē für got sein sünd
 zū decken/vff mich nemmen/vnd nit anders thūn/dan̄
 als werē sy mein eigen/eben wie Christus vns allē thā
 hat. Sich das ist die natur der liebe/wo sy warhafftig
 ist/da ist sy aber warhafftig/wo der glaub warhafftig
 ist. Darumb gibt der heilig Apostel der lieb zū eigen. j.
 Cor. xiiij. Das sy nit sücht dz ir/sond̄ was des nehstē ist.

Der letst beschluß.

ZUm. xxx. Auß dem allem folgt der beschluß/das
 ein chriſten mensch lebt nit in im selb/sonder in
 Christo/vnd seinē nehsten/in Christo durch den
 glauben/im nehsten durch die lieb/durch den glauben
 fährt er über sich in got/auß got fährt er wider vnder sich
 durch die liebe/vnd bleibt doch ymer in got vnd göttli
 cher liebe. Gleich wie Christus sagt Johan. j. Ir werdē
 noch sehen den hymel offen stee/vnd die engel vff vnd
 absteigen über den sun des menschen. Sihe das ist die
 recht geistlich/chriſtliche freyheit/die das hertz frey ma
 chet von allen sünden/ gesätzen/vnnd gebotten/welch
 alle andere freyheit übertrifft/wie der himel die erden/
 Welche geb vns gott recht zū versteen vnd behalten/

Amen.

Gedruckt zu Basel durch
 Adam Petri.

[Faint, illegible text, possibly bleed-through from the reverse side of the page]

